

समां - 12:25 hrs.

Prez Address-

राष्ट्रपति द्रौपदी मुर्मू 80में “सुतेंतरता ध्याड़े” दी पूर्व संज्ञा अज्ज राष्ट्र गी सम्बोधित करडन। राष्ट्रपति हुंदा एह सम्बोधन संज्ञा 7 बजे आकाशवाणी दे सबनें राष्ट्री चैनले पर प्रसारत कीता जाहग। एह दूरदर्शन दे बी सबनें चैनले पर पैहले हिंदी च ते फही अंग्रेजी च संस्करण प्रसारत कीता जाहग। दूरदर्शन पर हिंदी ते अंग्रेजी च सम्बोधन दे मगरा एहदा इलाकाई भाशाएं च प्रसारण दूरदर्शन दे क्षेत्रीय चैनले पर कीता जाहग। आकाशवाणी आसेआ राष्ट्रपति हुंदे सम्बोधन दा इलाकाई भाशाएं च प्रसारण अज्ज रातीं साइडे 9 बजे थमां कीता जाहग।

Security I Day

कल मनाए जाने आले आजादी दे ध्याड़े आले समारोह शा पैहले समूलचे जम्मू-कश्मीर च सुरक्षा बवस्था निग्गर करी दिती गेदी ऐ। खासतौर पर कब्जा रेखा ते अंतराष्ट्री बन्ने पर गश्त ते निगरानी बधाई दिती गई ऐ। जम्मू च आज़ादी आले ध्याड़े दा मुख समारोह मौलाना आज़ाद स्टेडियम च होग- जित्थे उपमुखमंत्री सुरिंदर चौधरी होर तिरंगा झंडा चाढ़डन ते मार्चपास्ट दी सलामी लैडन। तोंआई श्रीनगर दे बखशी स्टेडियम च आयोजित होने आले मुख समारोह दी अध्यक्षता मुखमंत्री उमर अब्दुल्ला होर करडन। इस्सै चाली

मंत्री स्कीना इतू अनंतनाग च-मंत्री जावेद अहमद राणा पुंछ च-मंत्री जावेद अहमद डार
बारामुला च ते मंत्री सतीश शर्मा कठुआ च जिला स्तर दे समारोहें दी अगुआई करडन।

<><><><><><>

Partition Day

1947 च होई दी मुख्य दी बंड दे सरबंधै च अज्ज “विभाजन विभीषिका स्मृति” दिवस
मनाया जा’रदा ऐ। इस मौके पर मुख्य 47 दी बंड दरान अपनी जान मुहाने आहलें ते बड़ी
मती पीड़ झल्लने आले सबनें लोकें गी श्रद्धांजलि देआ करदा ऐ। राष्ट्री राजधानी सने
मुख्य भरै च अज्ज कैई कार्यक्रमें दा सरिस्ता कीता जा’रदा ऐ। एह ध्याड़ा असें’गी समाज
च बंड पुआने आले ज़ैहर गी खत्म करने ते इक-जुटता ते समाजी सदभाव गी बढ़ावा देने
दा चेता दोआंदा ऐ।

ध्यानजोग ऐ जे 47 आली बंड दरान जान मुहाने आलें ते विस्थापित होए दे लोकें दे
सम्मान च केन्द्र सरकार नै बरे 2021 च 14 अगस्त गी “विभाजन विभीषिका स्मृति
दिवस” दे तौर पर मनाने दा फैसला लैता हा। तोंआई उपराज्यपाल मनोज सिन्हा होरें बी
मुख्य दी बंड दरान जान मुहाने आहलें गी श्रद्धांजलि अर्पित कीती ऐ।

<><><><><><>

CM Internship Prog.

जम्मू-कश्मीर सरकार नै मुखमंत्री डिजिटल इंटरनशिप प्रोग्राम -2026 दे पैहले बैच गी हरी झंडी देई दिती ऐ। एह प्रोग्राम मकामी तकनीकी विद्यार्थियों लेई 6 महीने दी तनखाह आहली इंटरनशिप ऐ। जम्मू-कश्मीर दी e-governance एजेंसी आसेआ चलाए जा'रदे इस प्रोग्राम कन्नै B.E., B.Tech, M.Tech, MCA ते M.Sc दे विद्यार्थियों गी कम्प्यूटर विज्ञान जां सूचना प्रोद्योगिकी दे खेतर च सरकारी तकनीक, साइबर सुरक्षा ते डिजिटल सेवाएं दा असल तुजुर्बा हासल होग। चुने गेदे विद्यार्थियों गी हर महीने 10 जहार रपे दा वजीफा ते माहिरें थमां मार्ग-दर्शन हासल होग। उन्नै गी मुखमंत्री हुंदे आसेआ दस्तख्त कीते गेदे प्रमाण-पत्र बी हासल होगन ते शीर्ष परियोजनाएं पर बी सर्वश्रेष्ठ प्रशिक्षु पैहल पुरस्कार लेई विचार कीता जाई सकदा।



Absconding Terrorists Arrested

जम्मू च रेलवे पुलिस (GRP) ने इक इऐ ने आतंकवादी गी गिरफ्तार कीता ऐ जेहड़ा पिछले 35एं बरें थमां फरार हा। अनंतनाग दे मरहामा-बिजबेहारा दा बसनीक आरोपी अल्ताफ हुसैन शेख भूमिगत होई गेदा हा ते मगरा अपनी पंछान गुप्त रखियै रवा करदा हा। ओह अपने होर दुए साथियों कन्नै 2 अप्रैल 1991 गी जम्मू रेलवे स्टेशन दे प्लेटफार्म नम्बर इक पर होए दे इक बम्ब धमाके दे मामले च शामिल हा- जेहदे च नीम फौजी बलें दे दंडु जोआनें सनें त्रै लोक मारे गे हे ते 18 होर जखमी होई गे हे। लम्मे चिरे तगर कीती गेदी

तपाशी मगरा पुलस ने आखरकार इस आतंकी हमले च शामिल- अल्ताफ गी फगड़ी लैता ते उसी अगगें दी कनूनी कारवाई लेई जंदे रोज TADA अदालत च पेश कीता गेआ।

<><><><><><>

Rainfall Pattern

मौसम विभाग नै जम्मू-कश्मीर च जंदी पैहली जून थमां 13 अगस्त 2026 तगर दी अवधि दरान सामान्य कोला मती बरखा बरने दी जानगारी दिती ऐ। जम्मू खिते च जित्थे सामान्य कोला 12 फीसद मती बरखा बरी ऐ उत्थें गै घाटी च सामान्य थमां 17 फीसद मती बरखा दर्ज कीती गेई। ऊआं शोपियां जिले च 48 फीसद घट्ट जिसले के किश्तवाड़ जिले च 43 फीसद घट्ट बरखा बरी ऐ। केई सारे जिलें च बरखा बरने दा आंकड़ा सामान्य कोला बड़ा मता रेहा ऐ- जिसलै के किश जिले च एह सामान्य गै दर्ज कीता गेआ ऐ। ऊआं कुल लाई-पाड़यै जेगर बरखा बरने दे आकड़े गी दिक्खेआ जा तां किश जिलें गी छोड़ियै पूरे जम्मू-कश्मीर च सामान्य कोला मती बरखा दर्ज कीती गेई ऐ।

<><><><><><>

Weather Update

जम्मू-कश्मीर दे मते सारे हिस्सें च जंदी रातीं हौली थमां दरमेयाने दर्जे दी बरखा दर्ज कीती गेई ऐ। मौसम विभाग नै प्रदेश दिएं मती सारी थाहरें पर अगले इक हफ्ते दरान हौली थमां दरम्याने दर्जे दी बरखा बरने ते गरज-चमक सने किश थाहरें पर बड़ी तेज बरखा बरने दे बी असार दस्से न। विभाग नै अज्ज ते कल बी किश थाहरें पर खास

करियै बड्डलै सवेला ते चिरें दपैहरी जां सं'जा'लै हौली थमां दरम्याने दर्जे दी बरखा बरने
ते गरज-चमक दी भविक्खवाणी कीती ऐ। एहदे परेंत 16 थमां 19 अगस्त धोड़ी जम्मू
संभाग दे किश जिलें दिएं मती सारी थाहें पर इयै नेया गै मौसम बने दा रेई सकदा ऐ।

<><><><><><>